

Službene novine Kantona Sarajevo, broj 27/21

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 23. stav (3) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 18/21 - Novi prečišćeni tekst), Vlada Kantona Sarajevo, na 79. vanrednoj sjednici održanoj 28.06.2021. godine, donijela je

UREDBU

O IZMJENAMA I DOPUNAMA UREDBE O JEDINSTVENIM KRITERIJIMA I PRAVILIMA ZA ZAPOŠLJAVANJE BRANILACA I ČLANOVA NJIHOVIH PORODICA U INSTITUCIJAMA U KANTONU SARAJEVO, GRADU SARAJEVO I OPĆINAMA U KANTONU SARAJEVO

Član 1. (Izmjena člana 3.)

U Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20) u članu 3. u stavu (1) riječi i brojevi:"broj 45/12 - Prečišćeni tekst, 26/14, 46/17, 18/19, 20/20 i 24/20 - Ispravka", zamjenjuju se riječima i brojevima:"broj: 18/21-Novi prečišćeni tekst".

Član 2. (Dopuna člana 5.)

U članu 5. u stavu (1) iza riječi: "Sarajevo"", dodaju se riječi: "ili su zaposlena na određeno vrijeme".

Član 3. (Dopuna člana 6.)

U članu 6. dodaje se novi stav (2) koji glasi:

"(2) Suprugama ratnih vojnih invalida, kao članu uže porodice ratnog vojnog invalida, nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova dodaju se i dodatni bodovi, tako da se na ukupan broj prethodno ostvarenih bodova dodaje postotak od istih i to:

a) suprugama ratnih vojnih invalida od X do VII grupe - 1%

b) suprugama ratnih vojnih invalida od VI do III grupe - 2%

c) suprugama ratnih vojnih invalida od II do I grupe - 3%.

Član 4.
(Izmjena člana 8.)

Član 8. mijenja se i glasi:

"Član 8.

(Kaznene odredbe)

(1) Novčanom kaznom u iznosu od 10.000,00 KM kaznit će se za prekršaj institucije u Kantonu Sarajevo zbog nepoštivanja dopunskog prava koje se odnosi na zapošljavanje branilaca i članova njihovih porodica i postupanje mimo odredaba ove uredbe i člana 23. Zakona.

(2) Novčanom kaznom u iznosu od 5.000,00 KM kaznit će se za prekršaj rukovodilac organa, pravnog lica ili firme institucije u Kantonu Sarajevo ukoliko je njegovom odlukom došlo do nepoštivanja dopunskog prava koje se odnosi na zapošljavanje branilaca i članova njihovih porodica i postupanje mimo odredaba ove uredbe i člana 23. Zakona."

Član 5.
(Stupanje na snagu)

Ova uredba stupa na snagu danom objavljivanja u "Službenim novinama Kantona Sarajevo".

Broj 02-04-26442-1/21
28. juna 2021. godine
Sarajevo

Premijer
Edin Forto, s. r.